


袁中郎先生全集

後學賀熙齡  
題籤

~ 16  
2676  
7



16  
2676  
7



梨雲館類定袁中郎先生全集卷之八

公安袁宏道中郎著 孫憲健菘圃重鐫

五言絕

虎邱

一片千人石瑩晶若有神  
劍光銷不盡畱與醉  
花人。

袁中郎先生全集 卷八 五言絕



其二

問此石上歌何如生公說石若解點頭聞歌亦當徹

嚴陵

谿深六七尋山高四五里縱有百尺鉤豈能到潭底

其二

文叔真有爲先生真無用試問宛洛都誰似嚴

灘重

其三

舉世輕寒酸窮骨誰相敬如何嚴州城亦以嚴爲姓

其四

或言嚴本莊蒙莊之後者或言漢梅福君之妻父也

偶作

靜裏三三昧多年得效方不知緣底事動輒嘆  
龔王

別無念

漢口來何易湘江去不難北風吹順水三日到  
齊安

其二

送君竹林祠竹子何森森不痛別離腸但傷知  
音心

其三

辛苦李上人白髮尋知己爲爾住龍湖爾胡滯  
於此

其四

湖上望君切江上送君苦江上與湖上計程一  
千五

其五

陸程華容道水程京口驛良無黃金贈感慨復

何益

其六

謂爾真吾師謂吾真爾友不知歐冶爐肯鑄頑  
鐵否

其七

海內交遊多何人可與語我欲知姓名東西南  
北去

其八

落魄蘇季子無官妻嫂欺爾若不見憐飄零安  
可知

滴瀝蓬書壁

蓬形如广字石骨間沙礫泉脉似融冰飄空偶  
一滴

別洪子兼寄吳臨川

暮雨復朝烟送君江水邊故人如問訊道我憶  
臨川

龍湖師

十日輕爲別重來未有期出門餘淚眼終不是  
男兒

其二

惜別在今朝車馬去遙遙一行一回首踟躕過  
板橋

其三

鬱鬱西陵路迢迢在何許不及寒潭石朝夕共

君語

其四

浪跡滯黃州壯心成白首君逢袁老尼肯語廣  
陵否

其五

魚書曾有約千里若爲函瀟湘無限水不遣到  
龍潭

其六

兄弟為知己同袍若比鄰出門去亦易只愁君  
一身

其七

死去君何恨藏書大得名紛紛薄俗子相激轉  
相成

其八

君意不在書著書為誰子安得東南風吹君渡  
湘水

附龍湖答詩

入門為兄弟出門若比鄰猶然下幽谷來問幾  
死人

其二

無會不成別若來還有期我有解脫法灑淚讀  
君詩

其三

赤壁賦蘇公龍湖吟白首君是袁伏袁附君成

四友

其四

江陵至亭州一千三百許尙有廣陵散未及其  
君語

其五

別不說今朝去不說遙遙路逢進履者定知過  
圮橋

其六

江陵一千三十里詩二函計程至君家百函到  
龍潭

其七

平生懶著書書成亦快予驚風日夜吼隨處足  
安居

其八

多少無名死予特死有聲祇愁薄俗子誤我不  
成名



同無念過二聖寺

自從智者去寶珠曾遊此今日無念來添一故事矣

其二

長者卽維摩和尚似鷺子中有妙音人可比散花女

十二月十八日至蕪陽舍舟從興國走咸寧道出金牛鎮山路如刀脊飛雪浸空輿

人艱窘幾不能步然千峯綴雪或如鴉鷄或如積瓊亦行役之一快也道中隨事口占遂得十六絕句

江行值逆風陸行招雪雨何適不艱難弱夫挽強弩

其二 途中有感憶李安人

袖裏藏香茗橐中具糗糧出門無一有始覺老妻亡

其三

野竹根連石村姑語帶蠻役夫前指我此是小  
了山

其四

壁上烟森森道旁石齒齒舉頭不見人但見前  
人履

其五

皂衫如伏鹿石底蹶而起壯髮小平頭霜鬢老

橡史

其六 懷吳明卿先生及仲子臯倩仲子客  
死白門

恠烏啼空樹斷雲愁暮山可憐吳季子死彼博  
贏間

其七 出興國雨至中途始雪

淋淋瀝瀝行仄仄啾啾遠此去浮屠街二十四  
泥坂

其八

曉看烟林青暮看雪嶺兀似我苦征人立時換  
白髮

其九

莫嫌馬沒蹄莫怨車泥轍比作看山人孤筇穿  
嶺雪

其十 至大冶

千山照平湖城在湖波上前途一髮行斜繞屏  
風嶂

其十一

好在宮台里山高水亦環兩崑陡絕起更好大  
雷山

其十二

峯峯雪點綴曲曲水蒼寒却似曾經眼王維畫  
上看

其十三

人行嶽嶺上時與岩相突馬落溪橋間忽爲雪

所沒

其十四

酸呼復快吟役者哭且怒我是好琴人那知黃  
柏樹

其十五

惟石與危岑山神勿相試我行慣險難歷盡風  
濤地

其十六

豕繫天王座烏巢大士冠雞棲爲市井鹿柴作  
門關

途中口占

八月離長安二月返鄉社啣泥雙燕兒依舊簾  
櫳下

其二

二月返鄉社四月卽長道兒童隘巷觀高士隔  
溪笑

其三

辛苦老魚軒廿年同道路今日白楊村卿畱我獨去

江上見數漁舟爲公卒所窘

釣竿拂曉霜衣薄蘆花絮一畝不籍官也被官差去

其二

浪道漁家樂。供輸亦未閒。君欲長安穩。隱于徒

隸間

途中口占

文字讀來倦。心情放去閒。夢回無一事。只有看西山

其二

灑灑芙蓉陂。油油禾黍道。野老扶牆行。佳人隔谿笑

其三

駿馬紅絲絡幞頭金蟒裝兒童攔路語道是賽牛王

其四

脆瓦稀疎點涼牕穩貼眠夢中何所見峽水與簾泉

其五

眼裏雙瞳在腹中一字無乘閒聊緝網欲去拔

珊瑚

其六

巷識回車跡橋畱斬袂痕此中多俠鬼且莫繡平原

六言絕

與曾退如過葡桃園話舊偶成

問我低回何事十年夢到胸中今日兔葵燕麥當時秋雨春風

其二

古井已無完檻石，榴依舊燒枝。莫道故人如夢，  
夢中却有長時。

其三

鶴啄苔而不去，僧振袂而相迎。少師影堂塵掩，  
古佛紺殿草生。

其四

葡桃閣人幾載衣，繚量去三圍。不放雲烟沙漠，  
焉知鴻鶴能飛。

七夕偶成

天上一昏一日，人間甲子周年。不分黃姑織女，  
夜夜烏鵲橋邊。

其二

兒女紛紛乞巧，先生老矣何求。不用丐靈烏鵲，  
唯宜拙守斑鳩。

題尚覺和尚卷

手題頂骨數珠，腰懸生鐵戒尺。走遍南閩浮提

要與英雄結識

梨雲館類定袁中郎全集卷之八終

梨雲館類定袁中郎先生全集卷之九

公安袁宏道中郎著 孫憲健菘圃重鐫

七言絕

題劉生

不愛韓康早避名  
愛他垂老解多情  
調得歌兒聲似管  
當筵唱出是劉生



病中見中秋連日雨東江進之

禁方藥帙滿牀頭雙挾青鬟坐小樓疾疾愁愁  
三日雨昏昏滑滑一年秋

小婦別詩

一身狼狽踰冬秋姊妹人人嘆白頭剛得在家  
三日好明朝行李又杭州

其二

弱柳輕帆快送人巫山原是女兒神願隨潑火

清明雨洗却錢塘十里塵

其三

輕寒輕熱養花天箇日錢塘更可憐驄馬欲嘶  
嘶不得白公堤畔柳如鞭

其四

湧金門外柳條絲岳有新祠白有碑一句叮嚀  
君記取西陵莫作小蘇詩

初至西湖

袁中郎先生全集 卷六  
山上清波水上塵錢時花月宋時春看官不識  
杭州語只道相逢有北人

其二

一絡香風十里堤萬株楊柳著行齊蘇州浪得  
佳名字試把湖山共品題

湖上遲陶石簣戲題

蘭舟繫處一聽嘶箇是桃蹊箇柳蹊山色湖光  
判斷盡只留花草待標題

其二

歌舞叢中可度身六橋隨處嗅香塵西家有個  
如花女可得將來伴遠人

桃花雨

淺碧深紅大半殘惡風催雨剪刀寒桃花不比  
杭州女洗却胭脂不耐看

湖上贈錢塘湯令

一簾秋色一堂雲白石灘頭坐使君套取桃花

袁中書先生集 卷九  
三  
爲押字判來山水作移文

其二

著意憐花緊護持不曾殘殺一枝枝花神欲謝  
廉明宰分付袁郎好作詩

其三

羅綺如烟粉作邱青娥國裏小諸侯河陽不敢  
談花事只是天堂見亦羞

其四

一箇窮官不解爲貪他絳葉與青枝來時聞花  
去結子教人怎不罵狂癡

徧虛

剃却顛毛剃却身衲衣袍帽不沾塵告君古佛  
無多子著了邊旁亦是人

經下邳

諸儒坑盡一身餘始覺秦家網目疎枉把六經  
灰火底橋邊猶有未燒書

紀夢末句遲之德州詩

一尺殘膏到曉明五更霜裏萬千情依稀夢得  
遲之句紅映樓臺綠映城

梨花初月夜

梨花初點貼牕流斜月笙簫處處樓醉裏不知  
花是影隔紗驚喚小揚州

秋日同梅子馬方子公周承明飲北安門

水軒

秋容瑟瑟上菱蘆湖上青山鏡裏姝碧瓦黃牆  
宮樹裏湧金門外看西湖

天壇

空壇淡淨駁琉璃禿髮簪冠老導師銅杏金塗  
秋草裏如今不似世宗時

其二 李後主呼天爲碧翁

碧翁難道是無情分合千年議不成不得寧居  
天亦苦古來多事是書生

其三

六年通籍濫儒紳  
疋馬天街觸路塵  
慚愧黃冠羽衣者  
朱籠雙引亦呵人

其四

僊苑桃花朵朵香  
曾於天上看霓裳  
劉郎老去風情減  
閒把音容問太常

香山永陵幸西山語侍臣云諸山惟香山有翠色

真人天眼更絕倫  
翠色香山此語真  
八十老僧

牢記取一時三遍語遊人

昌平道中

菴前乞得老僧茶  
一派垂楊十里沙  
烏籠白簷憑揀取  
麝香李子枕頭瓜

兒開美殤江進之書來始知

一春懷緒熱茫茫  
夢裏無端也轉腸  
小弟書來怕愁我  
寒溫虛作兩三行

其二

袁中書先生集 卷九  
官程屈指二千餘頗怪真州消息疎七月始得  
江令字道兒亡在秒春初

其三

說著旁人也痛酸余今寧有鐵腸肝十年送却  
六男女已作尋常離別看

其四

識得乘除理自明梅蘭焉肯一時榮黃泉若覲  
先姑去好與曾登作伴行

曾登皆伯修子先亡

得舍弟徐州書

開船已是四旬餘纔得徐州一紙書內中數語  
朦朧甚見了愁於未見初

其二

佳人生死不知聞辜負梨花一面雲昨日宮羅  
新裁剪爲伊畱得半拖裙

遣姬

蠶懶無心更作絲樂天未老別楊枝陽臺不是

嫌雲雨圖得生離勝死離

羅隱南王章甫小集齋中說舊事偶成

漢江秋淨石粼粼黃鶴樓高不見塵今日樓臺  
歸劫火眼中猶聚上樓人

其二

萬瓦如鱗繡作堆別山重見禿翁來晴川閣下  
南條水一日同君蕩幾回

其三

珠樓曲曲貯仙娃一帶風牕十里紗記得中和  
門外路女牆東去是他家

其四

解居逼近紫微堂白火青烟五尺牀鈴杳夜寒  
聽不得雞鳴先起著衣裳

燈市

六街花粉蔽蹄輪一簇香飛紫珞塵請看樓下  
號呼者卽是當時樓上人

柳枝詞

江南柳絮已紛飛河北垂楊未折枝一種青娥  
嬌眼女南家嫁早北家遲

盤山道中嘲寶方死心寂子三和尚

筇節楞楞過頂顛偏衫口上繫胡珠雲中棕笠  
垂垂墮正好和驢寫作圖

石雨洞

山僧問亦不知名凹處唯將腹背行石骨數拳

泉一縷遊人多少只聞聲

入紅螺嶮道中紀事

山風吹曉作新嵐仙夢茫茫古石龕欲識死生  
情切處棺材峯上卓茆菴山上有棺材峯

其二

田家打棗婦盈畝高髻垂肩竿在手此是六郎  
繫馬椿郎君未審停鞭否

其三



葫蘆棚下水平鞞古戍遺屯記宛然馬市時來  
今幾載邊烽堡裏宿枯禪

過黃梁祠

一掠青絲鏡面垂朱題銀額呂仙祠饒他壽盡  
塵沙劫只是黃梁未醒時

其二

不脫陰區苦奈何仙宮塵侶不爭多人間惟有  
李長吉解與神仙作輓歌

宿朱仙鎮

秋高夜鐸冷空庭草木猶疑戰鐵腥地下九哥  
今悔不六陵花鳥哭冬青

其二

羯胡歲歲括金錢稱姪稱臣也枉然馬角不生  
龍蛻冷酸心直到犬兒年

其三

青驄挽斷綠楊絲寒食西湖祭酒時第六橋頭

香十里桃花風起疊琉璃

其四

祠前簫鼓賽如雲  
茹泣爭劊弔古文  
一等英雄含恨死  
幾時論定曲將軍

野史載曲端事甚烈

看梅

莫將香色論梅花  
毛女而今已出家  
老幹瘦枝蒼幾許  
總無花萼也輸他

其二

自剝青苔自掃塵  
僊經沈縷對幽人  
不須更畫維摩詰  
恰有梅花爲寫神

送臨湘成公還至源寺寺時有火災

一鑿烟雲幾百春  
筵巖枯壁碎魚鱗  
青山也曉茶毘法  
要作涅槃堂裏人

其二

不轉空輪轉火輪  
一番金碧盡成塵  
世情若也同燒却  
好作瞻風撥草人

其三

菴主鬚眉依舊青檀那施得幾星星  
賜瓶且免輸山子指背何須喚古靈  
上人為寶方落髮師

其四

衲衣吹做綠楊風貪拾春江石子紅  
乞得黃家石浪字可能將去扁虛空  
余時方為寶方乞黃諭德石浪齋額

送蜀僧往南海

一踏峩眉二十春冰花破處石鱗鱗  
憑將徧吉

書一紙傳與東洋打坐人

法華菴看月江老衲移柏樹

竹皮屋子槿條籬繁蘂濃花最不宜  
乞得趙州柏樹子當牕亂插兩三枝

其二

一番霜雪一番姿鐵幹銅膚自小時  
和蘂和梢纔尺五幾年長出杜陵詩

其三

袁中郎先生全集卷九 七言絕

自操禪榻畫庭莎寬處須容一笠過試較沙彌  
長幾許眉尖上下不爭多

其四

閒將柏葉攪胡茶供養方情老作家不似破頭  
山道者貪他傳代古袈裟

其五

眉如霜葉骨如巒破衲何曾畏早寒夜坐連雲  
春帶雨如今真作畫圖看

王闍然館中看梅

乞得馬家雙玉鬢清姿濯濯槿籬間幽香偶逐  
寒風去帶却書聲過別山

其二

竹外斜侵十步強千枝萬朶亞鄰牆東風若過  
黃梅節吹得先生醋甕香

柳

晴江灑灑鴨頭絲半管春情半別離不知陶老

蘇東坡先生全集 卷九  
緣何事也向東籬拄幾枝

其二

牽愁帶緒弱烟中銷却東鄰幾頰紅欲把無鹽  
比西子老髯時復立春風

其三

少年容易起悲酸每爲春條惹肺肝而今心老  
烟灰滅只作遮籬映水看

祇園理藏完

貝葉重分甲乙科殘編無奈蠹蟲何因君一問  
阿難老強記如何得許多

其二

書却何須怨祖龍南寮師弟北師公元宵夜月  
春燈裏半入兒童火爆中

其三

收得大函萬紙餘更尋高閣作精廬何人却出  
銀鈎手贖取琳琅次第書

過赤壁

驛石奔雲浪幾春。黃泥坊底射洄鱗。周郎事業  
坡公賦。遞與黃州作主人。

大林寺寶樹

鐵幹銅膚四十圍。隔峯猶自望孫枝。塗雲抹月  
空山裏。曾見東林行道時。

其二

瘦石鱗鱗帶碧絲。百盤無地不青枝。人間那得

西方種問取嘉州合眼師

題天池後嶺

往將天事問修人。碧玉蒼波妄比倫。而今萬仞  
峯頭立。依舊圓空掛斗辰。

山中逢老僧

擬把蒼烟付老閒。廿年形影不離山。牕前一樹  
盤空老。曾是天台拾子還。

其二

夏口先生集 卷九  
一抹青烟沉遠巒  
禪心汰得似冰寒  
閒山閒水  
都休却付與瞻風衲子看

其三

念珠策得定功成  
絕壑松濤夜夜行  
說與時賢  
都不省依稀記得老陽明

其四

一室長關谷底泉  
兒孫閱過幾霜顛  
松根夜壁  
時來往不省人間有睡眠

其五

愛把蒼竿攪月湍  
山風吹頂不曾寒  
竹林寺裏  
尋常去乞得西僧梵本看

其六

課得西崖杉柏成  
山中知面不知名  
少時曾學  
收雲法擬把一囊送我行

其七

坐破松巖不記年  
衲衣長是裏谿烟  
天池寺裏

猶嫌近更住天池絕巘邊

明空住柳浪五月附余舟南下別於歸宗  
道上因作柳浪三疊以送之

青池白石每談空銷却寒缸幾炷紅記取柳浪  
湖上柳夜禪聽盡碧絲風

其二

碧溪影裏一僧歸漾得雲光上衲衣記取柳浪  
湖上水縠紋風起鷺鷥飛

其三

石鑪話盡晚牕烟閒剔春芽自煮泉記取柳浪  
湖上月隔花呼起放生船

過歸宗寺

墨池秋水石苔寒晉碣唐書野火殘一丈草青  
紺殿裏爭教赤眼不心酸

蕪湖舟中同范長白念公看月  
夜深蕉帽帶寒澌隔水青梧辨露枝問取無心



袁中書先生集 卷九  
老衲子幾人消得幻琉璃

其二

夜泉香鍛石鑪紅。聽盡寒松帶雪風。算取人間  
幾月子。江心甌面復瓶中。

其三

青山不改黛螺春。孤閣娉婷是女神。一瓣秋光  
半匣水。人間多少熱忙人。

采石蛾眉亭

空江石壁瘦鱗鱗。膩綠頽斑酣冶春。掃取山光  
爲黛粉。儘教蕩子作仙人。

其二

擬將杯棬作家鄉。臥月橫烟夢幾場。況是蛾眉  
消得死爭教。白也不郎當。

其三

是處烟嵐掛齒唇。懶將時事冒心神。青山也許  
人酬價。學得雲閒是主人。

白門逢焦師座主

十年一拜鄭康成搔首青山獨自行醒卽讀書  
倦卽枕不將無事換公卿

其二

赤軸猶如水瀉瓶草顛書盡萬梢青而今老矣  
都休却日課雜花兩卷經

侯師之水軒

架書狼籍粉蟲殘六月文紗濺水寒麾卻如花

舊拍板茶瓶相對白蔬盤

其二 師之耳曠老事西方之學

卷葉塞來多少時形言眼語亦能知白頭聞得  
無生事學把胡珠喚老師

八月六日舟中憶去年此日與大兄都城  
歸義寺別泣然念及大姑自云明歲二三  
月當還出籠不遠因大笑而別今大姑與  
兄俱逝矣哀哉

別時猶記帶餘詼夾轂風生滿面灰屈指來年  
二三月大姑含笑長孫來

其二

伏惑雖然學聖流難辭真慟到眉頭獨形獨影  
空舟裏自說因緣自解愁

其三

聞說南中也破顏幾迴夢上九華山而今恰走  
南中路不是生遊是死還

其四

饒他白髮倍耆年那得三朝無惡緣一刻未離  
一刻苦爭如長夜却先眠

其五

燈前腸痛子瞻詩宿世他生自可知郵館暫來  
還暫去蓮花聚首是長時

齋中偶同諸友作時蔬

少時飛將氣如騰老去常思講上鷹抽得健兒

金鏃矢等閒親角兩三朋

除夕偶題

螺甲香沉蠟焰殘黃柑歷歷耀青盤朝來令節  
候官長當去紅衫要贖難

其二

白酒青鹽強作歡長歌到底意催殘當時京邸  
團圓日只作尋常聚會看

壬寅元日

不圖宴坐與澄神只要烟嵐過眼新算取開年  
得意事衲頭隨著住山人

元夕度門出宮中月餅同賦

曾向昭容手內傳。綠綈親押聖人前。三千里路  
秦宮月。和雪和烟到楚天。

其二

盤中猶折半宮花刻鳳攢龍自內家不是國師  
爭袖得也應墜破紫袈裟

其三

曾是金娥印得成。留將舊樣說陰晴。等閒放出  
中秋月。併與春燈一夜明。

竹枝詞

龍洲江口水如空。龍洲女兒挾巨觥。奔濤潑面  
郎驚否。看我船欹八尺風。

其二

雪裏山茶取次紅。白頭商婦哭春風。自從貂虎

橫行後。十室金錢九室空。

其三

百錢一尺買吳絲。焦髮龍鍾舊玉兒。記得庚寅  
前後事。萬紅堆裏插花枝。

其四

東街晴雪未消泥。南陌陰靈又漲堤。恰似江頭  
娼女面。乍時歡笑乍時啼。

其五

長句詩集 卷九 七言絕

泥深一文怯開門惡風惡雨惡夢魂纔喚婦來  
又喚去斑鳩喚得也頑煩

其六

長檣鐵鹿破洪濤木綿子花七尺高棧時蠻力  
強三虎拋擲輕如一鳥毛

其七

船上女兒畫春娥一葉飄隨水上波左手牽姝  
右牽板雲冠不動青峩峩以上二首書所見

其八

吳兒纖皙語音儂北容高簷項領重江西賈子  
面如漆袴褶行纏伴老傭

其九

陌上相逢盡楚腰涼州一曲寫吳綃鷓絃撥盡  
西湖月更與唱歌到板橋

其十

玉娘一曲叫天鶩此地曾經牙板過十五年前

細腰柳而今枯瘦十圍多

其十一

一片春烟剪穀羅吳聲軟媚似吳娥楚妃不解  
調吳肉硬字乾音信口吡

其十二

賈客相逢倍惘然桷楠杞梓下西川青天處處  
橫瑞虎鬻女陪男償稅錢

食筍時方正月

鮮甘最與素盤宜羞殺蒿苳與露葵野腹雖饒  
下筋緩疑他名字叫龍兒

其二

穀水溫風解凍時家家饌得雪玻璃憑將野意  
酬君子飽食西牕讀楚辭

其三

纒呼痛快忽傷唇積玉堆霜止一巡便與喚名  
西施腕較他舌乳更清新

其四

嬌年那得逼人清  
雪骨雲肌已十成  
枝色與香皆第一  
蔬經頭上擬題卿

其五

族類叢生楚水濱  
前身未嫁湘夫人  
請君試看殘籜上  
也有斑斑淚點頻

其六

苦將墨瀋染龍孫  
只寫瀟瀟个字繁  
寄語湖州

文與可襪材爭似買盤殮

其七

曾踏山陰雨後春  
貓頭花筍賤如薪  
陶家只揀破塘買  
一日常番兩替人

陶周望屢稱破塘笋

侍家大人游太和發郡城  
偕遊者僧寶方冷雲尹生也

戴將頭髮入禪關  
長得閒時也畏閒  
從此野人功課定  
一年須上兩番山



袁中興先生全集 卷九  
三十五  
全家都愛踏雲烟過去青山香火緣扶著白頭  
拜真武被人呼作地行仙

其二

其三

朝衣疊却繫烏藤白石青岩取次登識得袁家  
裝束別紅旌隊裏一騎僧

習家池

一庭幽碧鎖嵐烟旋著春茶試乳泉想得當時

醉山簡面容如赭影頰顛

大堤女

文牕斜對木香籬胡粉薄施細作眉貪向牆頭  
看車馬不知透著刺花兒

題紫霄太子巖

多少真官學大還只將白雪換頰顏爭如淨飯  
真王子巢頂穿芽大雪山

七星巖

袁中興先生全集

卷九

七言絕

三

紅霞一抹霧千重石骨如斑翠點濃何事丹砂  
炊不轉諸仙長熱竈門峯

關公祠

智者嘗稱山玉泉爲四絕之二而攝山伽藍爲楚靳尙

平驅妖國洗蛟潭月下高禪獨自參恥與攝山  
爲伴侶爲他靳尙作伽藍

除夕有感

閒花閒月免縈神且樂明朝到手春前日柳浪  
亭上客今來畱得幾多人

擬將

擬將藤杖伴袈裟賀却新年便別家湘竹廟前  
盆浦口不知何處看桃花

范生善形家言自山西還將歸豫章詩以  
別之

一身直出鴈門關踏遍堯封禹跡還收拾行滕  
與笈子待隨徐福上三山

其二

攜將雙目入雲堆白石蒼崖日幾迴但得肉山  
先報我衲頭親自領僧來

其三

三年擲却皂紗巾五柳家風一味貧願得龍沙  
休帶印兒孫只作愛山人

遊石洲

愛取春江一抹澄斜帆疊疊柳層層閒來袖得  
佳石子付與山中好事僧

其二

三番石上聽歌昏轉眼楊花一紀春座客十來  
消却五更無一個六旬人

柳浪館同龔散木小修賦得雪中新柳

纈青縈白幾千條胡粉聊將贈舞腰當日輞川  
無此景強於雪裏寫芭蕉

戲題十姊妹花

燕中有紅姑娘花極紅

纈屏綠屋引成行淺白深朱別樣裝却笑姑娘

無意緒只將紅粉鬧兒郎

水仙花

琢盡扶桑水作肌冷光真與雪相宜但從姑射  
皆仙種莫道梁家是侍兒

看紙鳶

等閒一葉破高雲一簇妖童十里塵便與富兒  
償酒債不須更倩郭仙人

甲辰午節觀競渡

平湖新漲滑如油十丈紅旛繞樹流我有敝綈  
三兩幅也將裁去掛船頭

其二

碧酣樓下水平谿濯足池邊日正西橋上橋下  
人如螳只愁翻却孟公堤

吳生貧甚所遭輒奇詩以送之

踏遍吳關楚陌塵榆花空對白羅春如何四海  
袁居士偏遇人間憔悴人

其二

謝氏青山入夢多  
騷人終是惱湘波  
白公有語君聽取  
命壓人時不奈何

甲辰中秋後二日禮德山鑑大師塔偶成  
四偈示同行諸衲

少年學得跳胡神  
十地三賢眼上塵  
老去無端呈敗醜  
倒持霜刃與他人

其二

流水高山只自聽  
白雲終不礙峰青  
貪他一口龍潭沫  
枉却金剛般若經

其三

電走星流也是遲  
龍潭不見是親師  
而今石塔牢龕取  
正是金剛出世時

其四

棒頭有眼師辨取  
響裏尋文我不知  
前日少陵祠上過  
秋花秋鳥總如詩

德山遇大智龍湖舊侶也

湖上烟巒一抹青他時親見望州亭也知魯國  
真男子要識中郎舊典刑

其二

好伴青山作主人門前衲子去如塵法堂草長  
深三尺更與腰鎌走一巡

答龍君御見憶之作君御詩云我家德山  
不得住故末句云云用博一笑次篇聊為

解嘲亦可作一段公案也

雲嵐已是屬閒身高下青崖日幾巡看盡德山  
好烟水只緣不是武陵人

其二

眼前巒壑任高低身裏尋身却是迷正在武陵  
溪上住不須更覓武陵溪

德山聞長嫂去世慟念伯修感而有作  
未亡亡去竟何悲腸斷坡公卽世時今日德山

袁中書先生集卷九  
三  
峯頂上吞聲重作哭兄詩

其二

山北山南累亦多愁緣不盡奈他何  
花源正好深深去又聽人間碓露歌

夜深不寐起視星文遂成謎語戲別君御兄

北斗欄杆南斗橫竹林今夕夢難成  
願憑織錦天孫指譜出陽關夢外聲

答君御諸作

碧水丹崖不自由無因闌入會仙樓  
布帆飽趁瀟湘水幾處青楓黃葉舟

其二

溪鳥溪花盡寄聲花源無路只空行  
陶潛老被漁翁悞枉把青山累後生

來詩嘲余不入花源

其三

溪流片片疊春紗紅樹前頭又一家  
寄語青門

種瓜叟種瓜先種枕頭瓜

來詩有種瓜青門句

其四

打疊歌鬟與舞裙九芝堂上氣如雲無緣得見  
金門叟齒落唇枯矍細君

時君御演出金門記

伏波將軍避暑石室

青山憔悴故將軍苔甲年年印水紋受盡蠻烟  
與瘴雨不知溪上有閒雲

其二

行盡跼鴛水上頭裏屍方始得心休閒驅款段  
隨鄉里我亦君家馬少游

桃花流水引

桃源棹返幽思縈懷枕上夢  
中如有所得命曰桃花流水

引亦仙家  
竹枝詞也

華陽巾子碧縑環紫府簾前舊押班阿母筵頭  
爭一擲醉中輸却小蓬山

其二

路逢簫史不回身風裊芙蓉繡領巾雲裏自然



袁中郎先生全集 卷九  
清格少但憑閨艷作仙人

其三

袖却紅雲侍紫皇  
詼諧長是困東方  
乍來不識天顏笑  
只道頻嘘列缺光

其四

夜看仙犬吠花關  
私過雲英與玉環  
天上看來偷律重  
玉桃一顆謫人間

其五

掃斷紅霞陌上塵  
青鸞白鳳集仙真  
吹笙搗藥皆廝品  
要作蓬山罵坐人

其六

鬪草筵前霞作堆  
花宮無事濫驅雷  
麻姑向說水清淺  
又過扶桑看一回

其七

東海羣兒拜木公  
腰間常繫鳳凰籠  
絳裙一舞三山去  
驚起扶搖滿翅風

其八  
光碧堂前催賜衣。少年天女弱腰圍。而今花樣  
新奇甚。不月銀河織錦機。

其九  
盡到朝元會上來。春風坐遍小瓊臺。閒聽蔡誕  
輸龍語。引得諸仙笑似雷。

其十  
澆盡銀灣水作田。全憑奇僻傲諸仙。老來猶自

耽兒戲。弱水洋中泛鐵船。

竹枝詞時阻風安鄉河中

一溪纔順一溪灣。一尺纔過一丈還。船子已愁  
箭括水。兒童又指帽兒山。  
諺云黃山戴帽必風  
雨。河名一箭。河水勢  
甚急。

其二

蘆花枝上水痕新。南市東村打白鱗。只在梁山  
山背面。梁山何苦不離人。

其三

武溪葱翠獨稱梁正望黃山一點蒼三日風頭  
兩日雨謝公昨夜拜梁王黃山有謝公祠梁山神即漢梁松也俗呼為梁王

其四

儂家生長在河干夫婿如魚不去灘冬夜趁霜  
春趁水蘆花被底一生寒

送寒灰入叅上兼訪陳遇卿

青峯只在兩眉間何事三回不駐顏信是黃冠

多俗品不曾俗却謝羅山寒灰三過武當皆未入山

其二

元編檢盡蠹魚殘不載雲官與鳥官未識上真  
真本末君行試取藏經看

其三

摩肩簇綺沸如雷早向天門道上來為語別峯  
佳絕處玉虛巖底出瓊臺

其四  
少年擲却做頭巾。老去常思箇裏人。葱嶺走來  
無隙地。莫教踏著一微塵。

乙巳初度口占

南郭讀書西郭田。一竿秋水一湖烟。蠻歌社酒  
時時醉。不學龐家獨跳禪。

其二

白石青山到處緣。月高梳櫛日高眠。無聞已是

漸夫子四十於今少二年

江上

桃花春水滿江頭。獨擁佳人翡翠樓。誰抱琵琶  
江口上。聲聲彈出小梁州。

其二

二月王花接郡城。絳桃垂柳獨分明。請看高塚  
宮人草。別作青春一段情。

過康節先生安樂窩

天津橋上沙圍屋共伯城邊石吐泉料得先生  
都不管來時如月去如烟

擬作內詞

玉殿蓮籌夜未央內人傳旨出昭陽朝來剛赴  
西宮約莫遣經筵進講章

其二

宜春苑裏日初斜三百妖童校麗華鞞韜戎衣  
朱鬣馬不知若個是官家

其三

百子池頭九子萍美人雙照月稜青宮槐葉綠  
春如水誦得蓮花兩卷經

其四

阿監當頭送好音羊車行處載鸞衾朝來領取  
鋪宮例御帕親封少府金

其五

彩仗龍旌拂曙輕朝朝東閣坐先生皂囊久積

言官奏分付金璫取次行

其六

八月秋高兔肥卷毛宋鵲疾於飛開闌一放  
天顏喜玉手親攜自在歸

其七

金衣滑滑攬春眠白髮中官進簡編天子自臨  
宣示帖美人親展校書箋

其八

一般春色有枯榮十樹櫻桃九樹生拾得青梅  
如彈子護花鈴下打流鶯

夜飲鄒金吾家

夜深歌起碧油幢部部爭先那肯降閱盡龜茲  
諸樂府却翻新譜按南腔

見宮監走馬

昔藉風高萬馬齊東華門裏映花嘶平明挾彈  
西園去白日晴翻碧玉蹄

登嘯臺

青峯如面洗溪紋石上鸞音久不聞欲向先生  
供一七嵩山烟雨華山雲

聞簫

江上清聲入夜哀潛虬初泣雁初迴前山月起  
青如黛怕有幽人騎鳳來

戲題君山

洞庭湖水日潺湲腸斷湘妃竟不還千里蒼梧

常在眼君山真作望夫山

余凡兩度阻雨冲霄觀俱為訪龍湖師戲

題壁上

江樹蕭森江水長今朝風雨又瀟湘冲霄道士  
迎門揖笑指看花前度郎

其二

我從觀裏拜青牛忽憶龍湖老比丘李贄便為  
今李耳西陵還似古西周

黃昭質憲使得銅雀敗瓦割而為三一以  
寄乃兄平倩其二遺余及小修弟

雕題蔽日楯連雲曾見英雄話使君近日騷壇  
誰鼎足眼中依舊是三分

其二

土蝕霜凋字半塗雲霞千古潤肌膚豐城獄底  
渾閒物供得張華用也無

其三

池波為墨筆為墳爭似卿家老右軍我是漢朝  
金日磾麓毫焉可試羅文

其四

卯君囊却上公車梵宇昆邪應滿廬自笑蒙莊  
老弟子南華又作一通書

惠安伯園亭看芍藥開至數十萬聊述數  
絕以紀其盛兼贈主人

看罷南徐紫錦堆紅亭碧榭又催開旋心纈子



袁中書先生全集 卷九 四  
紛難識喚取維揚舊譜來

其二

雪色玲瓏照地華飛觥走兕疾如車等閑倒却  
春三甕未了東軒一角花

其三

百千新艷一時開那遣花妖不下來好與扶筇  
枝上去花頭處處有樓臺

其四

花助難樹亦難酬灸雪澆風老未休給與掃香  
十萬戶靈芳國裏古諸侯

衛河道中和邱長孺惜別

墜葉驚沙積蓼臄射波寒月影幢幢此身却似  
淘河鳥纔過南江又北江

其二

擬上青霄別有關身無健翮莫追攀而今已是  
孤飛鶴毛羽摧頽返故山

其三  
辭却牆東好里鄰。思量來嚼浩衢塵。素衣變盡  
衰容減。到底還他赤骨貧。

其四  
琴絕休悲大小絃。長貧長病豈須憐。朝春暮績  
生尤苦。爭得魂歸自在天。

其五  
陌上秋風吹冷埃。西州門巷轉堪哀。梨花殘落

刺桐死。每詣君時哭一回。

其六  
柔櫓輕風覺有情。月高牛渚看潮生。江神木客  
爭傳語。可是袁家舊阿宏。

其七  
耗盡雄心鬢亦皤。瀟亭無奈尉誰何。珊瑚百尺  
根株老。不信天家無鐵羅。

其八

別淚如傾祇賦詩更無一物可相貽自矜亦識  
汾陽老眼底無君劍豎眉

和曾退如別詩次韻

茂草長林不共棲孤燈寒箔影淒淒鷓鴣死去  
猶嫌北鷓鴣道成必向西

李安人念佛求生西方

其二

白傅可能無舞女高柔那得少賢妻柳浪湖上  
君來日把酒唯聽一箇鷓

退如末句云歸去湖亭先問柳雙柑吾肯

負黃鷓

丁未初度泊池陽自壽兼憶李安人

溪頭微雪點疎松睡起開牕對遠峰誰寫畫圖  
來壽汝謝家江上九芙蓉

其二

四十年間火宅身思量何事不飛塵而今欲學  
臯橋隱少却堂前舉白人

舟中聽王姬彈琴

袁中郎先生全集 卷九  
四  
懶把腰肢學小蠻涼雲初月淡垂鬟攜君却好  
青山去三峽流泉在指間

雪中看山二仲呈詩一章後來似亦粗能  
者喜而有作

一生痴計是雲烟五字吟成雪滿顛老我已非  
前赤壁稚兒那得小斜川

廿三日至蒲圻謝中丞出迎時年九十二  
鶴髮丹容尙能騎乘真人中端也口占二

絕以紀其盛

一行旌節萬人從爭看前朝老臥龍杞梓榷楠  
俱朽盡就中畱得兩高松

是年存問畢少保畢  
號松坡公號松屏

其二

曾看滄海化紅塵雲過沙飛閱世人便是聖朝  
祥瑞物何須芝草與麒麟

謝公伯子京兆君時年七十趨走膝下有  
若稚子凡謝公拜起俯仰皆京兆君扶之

碧瞳紅頰照霜明  
尙父前頭倚杖行  
七十老翁猶膝下  
爲人爭不羨爲兄

天寧洲逢老僧一百一歲

一寸眉垂霜覆肩  
額光如鏡語清圓  
南山坐閱松株老  
不上曆頭四十年

其二 指武皇南巡

開元天子最風流  
曾見南巡錦幄舟  
樂大也知非誑語  
老人大父昔同遊

其三

老僧與余同戊辰生

問年知得是辰生  
甲子校君少一更  
過去一般無影跡  
何妨呼我作同庚

元日登王章甫水明樓

經年勞碌馬啼間  
久客雖歸也不閒  
爭似水明樓上坐  
浪花影裏看春山

其二

雲山雖近不相親  
草色烟光各自春  
君欲讀書

我從仕何曾真作看山人

偕王章甫陳公弼登黃鶴樓

時章甫子宜卿及兒子二

仲皆從

江流千頃蹙雲烟樓閣雖高不似前畫板朱檐  
遮取盡爭教容納好山川

其二

兩家稚子共追隨似我與君初上時松老石欹  
樓亦換可容立鬢不成絲

峴首山觀羊叔子墮淚碑

欲知叔子恩多少但看龜趺碧淺深銅雀臺中  
歌舞妓那能揮淚到如今

博望驛

荒烟殘戍幾家村庭鎖蒼苔古木昏不恨君家  
開遠略恨君尚未識崑崙

王郡丞邀飲陽和樓

青天一碧翠遮空浪捲雲奔夕照中郭外荷花

三十里清香散作滿城風

其二

十丈朱旗照水殷家家簫鼓樂江山千峯如畫  
供杯酒不道清時是等閒

中山劉刺史邀飲西溪

碧樹深深帶水斜門垂果實類山家攜將千日  
中山酒來醉西溪六月花

杪秋陪祀山陵同陶孝若黃道元謝響

泉入僊人洞洞奇絕去馳道二里許

紅葉霜花積幾重青山蛻骨走眠龍伊祈善卷  
俱陳迹各向秋雲占一峯

嘲謝道人白鬚

穆穆霜雪幾經春五十年邊未老身借與城西  
狂道士虛添年歲誑時人

其二

紫陌飛沙撲面行和烟和雪看春明身無官職

家無媵正好從君頰上生

其二

妬水仙鉛積許多霜根欲茁可如何若教移去  
烏紗底拚買春煤二百螺

其四

篋裏無錢買地黃花前雪色照人光曉牕扣齒  
焚香罷一盞山中蘆菹湯

蘇潛夫侍御買燕姬爲賦合歡詩

黛螺香裏惠文冠消盡青霜鐵面寒恰似江南  
花鳥手畫將椒棘傍芳蘭

其二

夜深猶未解明璫爭奈呻吟老孟光蘭火漸昏  
衣漸緩袖花微帶橘陳香

其三

燈前小語背流蘇偷看封章就也無花外日高  
屏扇掩府中未省有啼鳥



其四  
西臺御史氣如雲，白簡霜飛海外聞。  
歸去海棠花下語，却妨鸚鵡作彈文。

聞閣試題爲蘭亭修禊圖效作二首  
分別層溪與遠巒，天章寺裏雨中看。  
會稽內史風流甚，賴得中朝有謝安。

其二

石榻誰知定武訛，綻紋猶識舊宣和。  
憑君莫話

冬青樹添得青山淚許多。

送醫者黃生謁東諸侯

橘老柑黃不奈何，飄然艇子出烟波。  
而今海上單方幾，王不留行一味多。

送從軍羅山人還大足

老去漸思雲水鄉，苔斑蝕盡綠沈槍。  
青袍白馬翻然去，念取昌州舊海棠。

散木至自公安

袁中郎先生全集卷九  
江上分攜才一年鬢如秋草面如烟不知老態  
增多少但覺頭巾潤似前

無題送顯宗禪師南歸

秋來芍藥已無枝老去湖蠶未有絲古井澄瀾  
乾欲盡阿誰腸斷比紅兒

其二

迦陵命命不同飛又喜開籠放雪衣莫向甜桃  
言苦李羞將遠志換當歸

花燭詩爲顧小侯所作時所建娶婦已

五年

燈煤和就染雙眉想得春牕欲曙時只爲顧家  
婦大好五年尙贈合歡詩

其二

百合香焚百子羅秋江如面柳如蛾侯家夫婿  
楊家女占却人天福許多

廣陵曲戲贈黃昭質時昭質校士歸

一絡青銅一面春  
雕闌處處鎖朱輪  
試將校黑分黃  
眼品取如花似玉人

其二

緋袍牙帶鞠躬迎  
認得風騷舊長卿  
莫似江南韓老子  
教他炷艾待門生

其三

肌香薰透繡羅襦  
小立牕前拭粉朱  
掛起眉圖親與較  
果然顏色勝當爐

其四

深束腰肢淺蹙蛾  
伴娘頻促奈他何  
白羅一尺寬如許  
受得巫山雨幾多

題潘稚恭小像

當年曾見虎頭真  
長短濃纖各有神  
只恠安仁描不似  
爲他丰骨異時人

其二

牙光絹上白波重  
骨肉調勻粉墨濃  
若要識他

春月柳還須雪裏看王恭

子公貧病無日開顏悶坐舟中口占乞笑  
骨如枯竹面如灰頃刻酸呼四五迴人世萬千  
窮惱病被君包攬上身來

題方醫卷方欸人客高郵

兒童每見求甘草道侶相逢話藥方高郵城裏  
尋常去收得薑芽幾許長

未句見秦少游詩

公超谷

超能爲五里霧

醉裏提壺荷鍤還大伸脚步卽登山何如且作  
收雲法施得清光與世間

希夷峽

白石青山眼倦開風雲長到枕邊回夢中亦有  
敲門客報道莊周騎蝶來

其二

曾挈東臯到酒泉而今醉國也騷然睡鄉若有  
閒圖籍欲向先生受一塵

回心石

華頂不高澗不深一迴遺世一登臨若爲題向  
長安道回却朱門紫陌心

千尺幢至百尺峽

千仞雲中綴一絲勢危那免墮枯枝算來白石  
清泉死差勝兒啼女喚時

胡孫愁

仄嶺東移半尺苔如何橫度碧崔嵬上頭若有

朝三叟料得胡孫也喜來

擦耳巖

過客時時耳屬垣倚天翠壁亦何言欲知懸逕  
欹危甚看我青苔一面痕

蒼龍嶺

瑟瑟秋濤谷底鳴扶搖風裏一毛輕半生始得  
驚人事撒手蒼龍嶺上行

衛叔卿博臺

雲中轉轉試鉤梯  
棋路分明似芥畦  
便欲與君終一局  
只愁石爛水流西

希夷避詔巖

一枕孤雲分外清  
墮驢歸去有無情  
岩中只可避丹詔  
那得深岩避死生

望嵩少

客程行盡太行山  
又見高高紫翠間  
料得有人山上笑  
紅塵如海沒珠顏

其二

欲從影裏問胡僧  
車馬勞勞謝不能  
縱有洗塵千澗水  
夏蟲那可叩堅冰

嵩陽宮古柏

苔甲生生裂水波  
蒼皮十度手摩挲  
問君那只高如許  
漢壘唐基積幾多

其二

雲散烟飛岫亦枯  
風霜不上老肌膚  
山中恠事

知多少石母生兒定有無

中元夜枕上有憶

秋橋沉沉戶不扃月光搖夢眼長醒疎簾翠簟  
清如洗少却流泉枕上聽

宿華州公署

古槐修柏琅玕竹曉日晴嵐翡翠山疎影半牕  
鳩忽語湘南烟水夢初還

華州公署古槐大可四十圍蓋二百餘年

物也余題之曰國槐詩以記之

孫枝鬱鬱遍三秦  
溜雨籠烟不記春  
若論花黃忙舉子  
已曾忙過九朝人

密縣天仙廟白松

手撫松圍數匝行  
潤於膚色白於珩  
看來亦是天喬種  
和月和霜種始成

其二

百尺亭亭榦寫空  
虛塔浮日水玲瓏  
青山好共

陶宏景欹枕閑聽帶雪風

其三

瘦玉嶮嶮數十盤巢雲老鶴夢猶寒若爲貌出  
參天雪更向南岡頭上看

其四

傳言天女化時生畢竟移根種不成閱盡大官  
諸本草上頭未有白松名  
梨雲館類定袁中郎全集卷之九終



